



CUMÜN DA SENT



Il mas-chalch da Sent

Publicaziuns officialas. Cumpara segund bsögn.
2012-2014
no. 17

7554 Sent, 5 avrigl 2013 / bmr

Radunanza cumünala / *nouva glista da tractandas*

La radunanza ais gnüda fixada sün lündeschdi, als 15 avrigl 2013, a las 20.15, in chasa cumünala.

Tractandas:

1. Salüd dal Capo
2. Protocol da la radunanza cumünala dals 13 december 2012
3. Dumonda da credit da fr. 100'000.00 pel proget d'innaiver / sanaziun prüm'etappa
4. Dumonda da credit da fr. 50'000.00 pel cudesch (cronica) dal cumün da Sent
5. Revisiun parziala da la ledscha d'impostas / orientaziun pella cumünanza d'urna
6. Aquist dal stabilimaint Posta / orientaziun pella cumünanza d'urna
7. **Amiglioraziun cumplessiva / tscherna da duos commembers pella cumischiun da stima**
8. Proget fusiun dals 5 cumüns / orientaziun supra l'andamaint
9. Varia

Il Cussagl cumünal



Avis: Palperi vegl

In marcurdi, als 24 avrigl 2013 a partir da las 8.00 ramassaina palperi vegl.

Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).

La scuola

Da dar da fit a Sent

A partir da subit o tenor cunvegna ün'abitaziun da 2½ stanzas, na mobigliada in Sot Pradè. Infuormaziuns plü detagliadas suot il numer 081 921 25 63.

Christian Roner

Radunanza generala

Radunanza generala da la grupp da teater Sent in sonda, als 13 avrigl 2013 a las 20.00 Hotel Aldier (Rezia).

Tractandas:

1. Salüd
2. Protocol
3. Rapport dal president
4. Rapport da la chaschiera e da las revisuras
5. Programm da l'on
 - teater 2014
 - viadi 2013
6. Contribuziun
7. Commembers
8. Varia

Amiaivelmaing invida

la grupp da teater Sent



**samariter
samaritains
samaritani
samaritans**

Società da samaritans Sent

Nossa società maina tras ün cuors d'agüd d'urgenza (Nothilfekurs). Il cuors ha lö in venderdi ils 12 avrigl da las 19:00 – 22:00 implü in sonda ils 13 avrigl 2013 da las 09:00 – 12:00 / 13:00 – 17:00 (10 uras).

Per quels chi fan la patenta da l'auto vain pretais quist cuors.

Persunas chi han interess d'esser in bain ed as metter in colliaziun cun Yvonne Taverna, tel. 081 864 08 48.

La società da samaritans

La deponia la Fuorcha es averta a partir da subit

Tenor il permiss concess da l'uffizi per natüra ed ambiaint esa admiss da deponar be material inert sco terra, crappa, s-chart da üert e flus giò la deponia da la Fuorcha. Na admiss sun tuots aldüms, charginas fain e strom. Per frus-chaglia, rests da laina e patütsch es il deposit previs sül plazzal da la laina sur la deponia ingiò chi vain da temp in temp fat zappaditsch landroua. Displaschaivelmaing as sto constattar chi vain repetidamaing deponà tant giò la deponia da la Fuorcha sco eir sül plazzal da la laina material na admiss.

- **Per pudair depositar material inert, frus-chaglia rests da laina e patütsch giò la deponia da la Fuorcha e sül plazzal da la laina esa in avegnir necessari d'annunzchar ouravant pro'l manader tecnic (078 627 23 27) o pro'l silvicultur (079 413 05 66) che material e quant material ch'id es previs da deponar. La clav po gnir retratta pro els.**
- La deponia es averta seguaintamaing:
 - **il marcurdi davomezdi cun annunzcha al marcurdi avantmezdi**
 - **la sonda tuotta di cun annunzcha al venderdi davomezdi**

Per deposits plü gronds as po cumbinar oters termins.

Il Cussagl cumünal